

Sunnudagur 7. júní 2020, Sjómannadagur.

Fundur nr. 6 á árinu 2020 í aðalstjórn Vestra, haldinn kl. 11:30 á kaffistofu Safnahúss.

Þetta er fyrsti fundur stjórnar eftir aðalfund, sem haldinn var þann 4. júní sl. Á aðalfundi varð sú breyting á stjórn að Hjalti Karlsson lét af störfum sem formaður og Guðfinna Hreiðarsdóttir tók við formennsku. Þá gekk Sigurður Jón Hreinsson úr stjórn og Hlynur Reynisson kom í hans stað.

Mættir eru: Guðfinna Hreiðarsdóttir, Guðni Guðnason, Hjalti Karlsson, Hlynur Reynisson, Jóna Lind Kristjánsdóttir, Jónas Gunnlaugsson, Sólrún Geirsdóttir og Þorsteinn Þráinsson.

Gengið til dagskrár:

1. Verkaskipting stjórnar.

Hjalti Karlsson var kjörinn varaformaður,
Sólrún Geirsdóttir var kjörin ritari,
Guðni Guðnason verður áfram gjaldkeri.

2. Uppbyggingarsamningur um vallahús. Hjalti gerði grein fyrir stöðunni og samskiptum sínum við fulltrúa Ísafjarðarbæjar um framkvæmdir og greiðslur. Samningurinn hljóðar upp á 6,7 milljónir, ein milljón hefur nú þegar skilað sér og við getum fengið 1.850.000 núna. Ókostur er að greiðslur eiga ekki að berast fyrr en framkvæmdum er lokið, því þarf helst að breyta. Að mestu er búið að klára rafmagnsmálin – næsta skref er að setja upp ljós. Einnig þarf að setja gler í hurð. Mikilvægt er einnig að huga að aðgangsstýringarkerfi. Til þess að hægt sé að halda áfram og hefja vinnu við eldhús og salerni þá þarf að tæma geymsluna. Ef boltahúsið kemur fljótlega þá fer dótið beint í geymslu þar – annars gæti þurft að grípa til þess að fá gám til bráðabirgða. Vonandi verður fyrri kosturinn að veruleika. Stjórnin setti sér það markmið að fyrir næsta stjórnarfund, í lok ágúst, verði búið að klára lýsinguna og glerið í hurðina. Guðfinna fylgir því eftir.

3. Rætt var um anddyri ípróttahússins á Torfnesi. Það er óboðlegt að biðaðstaða iðkenda sé í skógeymslu hússins. Það ætti að vera auðvelt að breyta þessu með því að brjóta niður vegg og skipta út núverandi skó- og yfirhafnageymslu fyrir einfaldar skóhillur, sbr. t.d. í sundlaug Bolungarvíkur.

4. Lítillega var rætt um skiptingu Covid-peninga til deilda. Skiptingin miðast við iðkendafjölda ársins 2019 og hefur deildum verið kynnt hvernig skiptingin er.

Fleira ekki gert. Fundi slitið kl. 12:35.

Fundarritari, Sólrún Geirsdóttir.